

Na osnovu čl. 6. i 9. Zakona o klasifikaciji djelatnosti u Bosni i Hercegovini ("Službeni glasnik BiH", br. 76/06, 100/08 i 32/10), Agencija za statistiku Bosne i Hercegovine, donosi

ODLUKU

O KLASIFIKACIJI DJELATNOSTI BOSNE I HERCEGOVINE 2010

Član 1. (Predmet Odluke)

Ovom Odlukom propisuje se Klasifikacija djelatnosti Bosne i Hercegovine 2010 (u daljnjem tekstu: Klasifikacija djelatnosti BiH 2010), sa nazivima i šiframa djelatnosti koje obuhvataju područja, oblasti, grane i razrede ekonomskih djelatnosti, koja će se primjenjivati na teritoriji Bosne i Hercegovine.

Član 2. (Upotreba Klasifikacije djelatnosti BiH 2010)

Klasifikacija djelatnosti BiH 2010 iz člana 1. ove Odluke upotrebljava se za određivanje djelatnosti, odnosno za sva razvrstavanja po djelatnostima poslovnih i drugih subjekata i njihovih dijelova za potrebe statistike, različitih službenih i drugih administrativnih zbirki podataka (evidencije, registri, baze podataka i sl.).

Član 3. (Hijerarhijski nivoi Klasifikacije djelatnosti BiH 2010)

Klasifikacija djelatnosti BiH 2010 sastoji se od četiri hijerarhijska nivoa koja su označena na sljedeći način:

- a) područje (označeno jednoslovnim abecednim šifrom),
- b) oblast (označena dvocifrenom brojčanim šifrom),
- c) grana (označena trocifrenom brojčanim šifrom),
- d) razred (označen četverocifrenom brojčanim šifrom).

Član 4. (Sastavni dio Odluke)

Sastavni dio ove Odluke čine:

- a) Klasifikacija djelatnosti BiH 2010,
- b) Klasifikacija djelatnosti BiH 2010 sa objašnjenjima,

c) Metodologija za statističku primjenu Klasifikacije djelatnosti BiH 2010.

Član 5.
(Prestanak primjene prethodne Odluke)

Odluka o Klasifikaciji djelatnosti Bosne i Hercegovine ("Službeni glasnik BiH", broj 84/06) prestaje da važi od dana primjene ove Odluke.

Član 6.
(Stupanje na snagu i objavljivanje Odluke u "Službenom glasniku BiH")

Ova Odluka stupa na snagu danom objavljivanja u "Službenom glasniku BiH", a primjenjuje se od 1. januara 2011. godine.

Broj 1344/10
19. maj 2010. godine,
Sarajevo

Direktor
Zdenko Milinović, s. r.